

Forspil:
Air eftir J.S. Bach

Bæn

Ég kveiki á kertum mínum

Ég kveiki á kertum mínum
við krossins helga tré.
Í öllum sálum sínum
hinn seki beygir kné.
Ég villtist oft af vegi.
Ég vakti oft og það.
Nú hallar helgum degi
á Hausaskeljastað.

Í gegnum móðu' og mistur
ég mikil undur sé.
Ég sé þig koma, Kristur,
með krossins þunga tré.
Af enni daggir drjúpa,
og dýrð úr augum skín.
Á klettinn vil ég krjúpa
og kyssa sporin þín.

Ég fell að fótum þínum
og faðma lífsins tré.
Með innri augum mínum
ég undur mikil sé.
Þú stýrir vorsins veldi
og verndar hverja rós.
Frá þínum ástareldi
fá allir heimar ljós.

(Davið Stefánsson)

Ritningarlestur

Einsöngur:

Rósin

Undir háu hamrabelti
höfði drúpir lítill rós.
Þráir lífsins vængjavíddir
vorsins yl og sólarljós.
Ég held ég skynji hug þinn allan
hjartasláttinn rósin mín.
Er kristalstærir daggardropar
drjúpa milt á blöðin þín.

Æsku minnar leiðir lágu
lengi vel um þennan stað.
Krjúpa niður kyssa blómið
hversu dýrðlegt fannst mér það.
Finna hjá þér ást og unað
yndislega rósin mín.
Eitt er það sem aldrei gleymist,
aldrei það er minning þín.

(Friðrik Jónsson, Guðmundur Halldórsson)

Ritningarlestur

Einsöngur:

Ave María

Þú blíða drottning bjartari' en sólin,
þú biður fyrir lifendum og dauðum.
Hríf um eilífð oss frá heljar nauðum.
Ave María, Ave María, Ave María!
Gef þeim himnesk jólin.

Bið þinn son að vernda oss frá villu.
Í veröld eru margir stígar hálir.
Um eilífð vernda allar látnar sálir.
Ave María, Ave María, Ave María!
Frelsa þær frá illu.

(Indriði Einarsson, Sigvaldi Kaldalóns)

Guðspjall

Almennur Söngur:

Hærra minn Guð til þín

Hærra, minn Guð, til þín,
hærra til þín,
enda þótt öll sé kross
upphafin mín.
Hljóma skal harpan mín:
::: Hærra, minn Guð, til þín, :::
hærra til þín.

Sofanda sýndu þá
sólstigans braut
upp í þitt eilífa
alföðurskaut.
Hljómi svo harpan mín:
::: Hærra, minn Guð, til þín, :::
hærra til þín.

Árla ég aftur rís
ungur af beð.
Guðs hús á grýtttri braut
glaður ég hleð.
Hver og ein hörmung mín
hefur mig, Guð til þín,
Hærra, minn Guð, til þín,
hærra til þín.

(Matthías Jochumsson, Adams)

Minningarorð

Einsöngur:

Minning

Sumir hverfa fljótt úr heimi hér
skrítið stundum hvernig lífið er
eftir sitja margar minningar
þakklæti og trú.

Þegar einhvað virðist þjaka mig
þarf ég bara að sitja og hugsa um þig
þá er eins og losni úr læðingi
lausnir öllu við.

Þó ég fái ekki að snerta þig
veit ég samt að þú ert hér.
Og ég veit að þú munt elska mig
geyma mig og gæta hjá þér.

Og þó ég fengi ekki að þekkja þig
þú virðist alltaf getað huggað mig,
það er eins og þú sért hér hjá mér
og leiðir mig um veg.

Þegar tími minn á jörðu hér
liðinn er þá er ég burtu fer
þá ég veit að þú munt vísa veg
og taka á móti mér.

(Ingibjörg Gunnarsdóttir, Bob Dylan)

Bæn og Faðir vor

Þakkarbænin

Við biðjum þig, Drottinn, að blessa þá hrjáðu.
Þú birtir oss syndugum mátt þinn á jörð.
Lát náðarsól rísa, veg þeim öllum vísa
er villir fóru leið, hafa týnt sinni hjörð.

Þú leiðir oss, Drottinn, að lindunum hreinu.
Þú ljósið þitt kveikir við himnanna stól.
Um tíma þó syrti þá brátt aftur birtir,
þú breiðir út þinn faðm og veitir oss skjól.

Vér flytjum þér lofgjörð, þú líknar og græðir
og léttir oss göngu í stormanna klið.
Frá ánaud og helsi gef hjörð þinni frelsi.
Þín hjálp er jafnan nær! Ó, Guð veit oss frið.

(Óskar Ingimarsson, A. Valerius)